

2008-imi aalisarnermi pisassiissutit pillugit Namminersornerullutik Oqartussat nalunaarutaat

Aalisarneq pillugu Inatsisartut inatsisaanni nr. 18-imi 31. oktober 1996-imeersumi § 5-imi, imm. 1-imi, § 9-mi imm. 1-imi, § 10-mi, § 14, imm. 2-mi, § 33-mi, imm. 2 aamma 3, aamma § 34-mi, imm. 3-mi, kingusinnerusukkut Inatsisartut inatsisaatigut nr. 5-ikkut 12. december 2008-meersukkut allannguiteqartinneqartumi, makkut aalajangersarneqarput:

Atuuffia

§ 1. Nalunaarummi sumiiffit taaneqartut WGS84 naapertorlugu nalunaarsorneqarput, imartat assinginut Kalaallit Nunaannut atuuttunut iluarsiissutinik iluarsisarlugit.

§ 2. Nalunaarut manna imartani Kalaallit Nunaata aalisarnikkut oqartussaaffigisaani inuussutissarsiutigalugu aalisarnermut kiisalu Kalaallit Nunaata aalisarnikkut oqartussaaffigisaata avataani inuussutissarsiutigalugu kalaallit aalisarnerannut atuuppoq.

§ 3. Nalunaarummi matumani angallatip usitussutsimut killigititamik qaangiisimaneranut ataassisimaneranulluunniit aalajangiisuussaaq usitussutsip angallatip uuttuutaanut upernarsaammi allassimanera. Uuttueriaatsit pillugit maleruagassat sorliit angissusaanut uuttuummik atulersitsinermut tunngaviliisuuusimanersut apeqqutaatinnagit.

Nassuaatit

§ 4. Nalunaarummi matumani "imartat Kalaallit Nunaata aalisarnikkut oqartussaaffigisai" aamma "tunngaviusumik killeqarfik" paasineqassapput tunngaviusumik killeqarfittut imartat Kalaallit Nunaata aningaasaqarniarnikkut immikkut oqartussaaffigisaa kingusinnerusukkut allanngortinnejarsimasukkut Statsministeriaqarfuiup nalunaarutaani aalajangersarneqarsimasut.

§ 5. "Avataasioluni aalisarnertut" paasineqassaaq aalisarneq imartami Kalaallit Nunaata aalisarnikkut oqartussaaffigisaani tunngaviusumik killeqarfinnit 3 sømilip avataani kiisalu imartani Kalaallit Nunaata aalisarnikkut oqartussaaffigisaata avataani ingerlanneqartoq. Avataasioluni aalisarneq angallatinik usitussutsimut uuttuutaat malillugu 75 BRT/120 BT-nik angissusilinnik anginerusunilluunniit ingerlanneqartoq, nalunaarummi allami allanik aalajangiisoqarsimatinngu.

Imm. 2. "Sinerissamut qanittumi aalisarnertut" paasineqassaaq aalisarneq angallatinik usitussutsimut uuttuutaat malillugit 75 BRT/120 BT-nik mikinerusunit ingerlanneqartoq, nalunaarummi allami allanik aalajangiisoqarsimatinngu.

§ 6. Uiluinniarnermi sumiiffit pisassiissuteqarfii imatut aalajangersarneqarput:

1) Nuup eqqaa: Sumiiffik 63°45'0N aamma 64°21'5N akornanniittooq kiisalu Nuup Kangerluani 64°21'5N

avannaatungaani.

- 2) Aqajarua: Titarneq 51°40'N Qeqertarsuarmut 69°35'N aamma 69°50'N akornanni.
 - 3) Attup eqqaa: 53°00'N aamma 54°00'N akornanni aammalu 67°50'N aamma 68°10'N akornanni.
Taamaattorli sumiiffik una aalisarfittut matoqqavoq: Sumiiffik killiliussanik ukunannga killiliivigineqartoq 68°05'N 54°45'W, 68°05'N 53°00'W, 67°55'N 53°00'W aamma 67°55'N 53°45'W.
 - 4) Sisimiut - Kujataa (Saqqaq): Sumiiffik imartap aalisarnikkut oqartussaaffigisap tunngaviusumik killinganut kimmuit killilik; avannamut imartap aalisarnikkut oqartussaaffigisap tunngaviusumik killinganiit kangimut 66°55'5N Sisimiut kujataanni nunaviup tungaanut; kujammut imartap aalisarnikkut oqartussaaffigisap tunngaviusumik killinganiit kangimut 66°36'N nunaviup tungaanut.
 - 5) Sisimiut - Avanna (Kangaarsuk): Sumiiffik imartap aalisarnikkut oqartussaaffigisap tunngaviusumik killinganut kimmuit killilik; avannamut imartap aalisarnikkut oqartussaaffigisap tunngaviusumik killinganiit kangimut 67°20'N nunaviup tungaanut; kujammut imartap aalisarnikkut oqartussaaffigisap tunngaviusumik killinganiit kangimut 66°55'5N nunaviup tungaanut.
 - 6) Nassuttooq: Sumiiffik imartap aalisarnikkut oqartussaaffigisap tunngaviusumik killinganut kimmuit killilik; avannamut imartap aalisarnikkut oqartussaaffigisap tunngaviusumik killinganiit kangimut 67°35N nunaviup tungaanut; kujammut imartap aalisarnikkut oqartussaaffigisap tunngaviusumik killinganiit kangimut avannarpasissutsikkut 67°20'N nunaviup tungaanut. Kangimut killinga tassaavoq sinerissap immamut killinga.
 - 7) Kitaata sinnera: Pisassiissuteqarfiit taaneqartut sinneri Kalaallit Nunaata kitaata avataaniippuit. Sumiiffimmi tassani pisassiissutit qummut killeqanngillat.
- § 7. Sinerissap qanittuani qaleralinniarnermi sumiiffit pisassiissuteqarfiusut tulliuttut aalajangersaavagineqarsimapput:**
- 1) Sumiiffik aqutsivigineqartoq Upernivik. Sumiiffik aqutsivigineqartoq Upernivik nassuiarneqarpoq 71°30N avannarpasinnerusumiittutut aamma 75°00N kujasinnerusumiittutut.
 - 2) Sumiiffik aqutsivigineqartoq Uummannaq. Sumiiffik aqutsivigineqartoq Uummannaq nassuiarneqarpoq 70°30 N avannarpasinnerusumiittutut aamma 71°30N kujasinnerusumiittutut. 70°30 N kujataatungaani aalisartoqarsinnaavoq taamaallaalli Qarajap kangerluani sermilimmi (Ikerasaap sullua). Ilanngullugu 71°30N avannaatungaani kangerlunni aalisartoqarsinnaavoq, eqqornerusumik taassagaanni kangerlunni: Nuugaatsiaap Imaa, Kangigdleq, Salliarutsip Kangerlua, Uvkusigssat Kangerlua, Kangiussap imâ, Umîviup Kangerlua aamma Nûgâtsiaup tunua.
 - 3) Sumiiffik aqutsivigineqartutut Qeqertarsuup Tunua. Sumiiffik aqutsivigineqartoq Qeqertarsuup Tunua nassuiarneqarsimavoq 68°00 N avannarpasinnerusumiittutut aamma 70°30 N kujasinnerusumiittutut.
 - 4) Kalaallit Nunaata avataani pisassiiffiusut nr. 1-miit 3-mut, taagorneqartoq sumiiffik aqutsivigineqartoq Kalaallit Nunaata sinnera.

Pisat annertussusaat

- § 8. Aalisakkanut, ilanngussaq 1-im i taaneqarsimasunut, avataasiroluni aalisarneq kiisalu aaliarneq pillugu Inatsisartut inatsisanni § 7-im i kalaallit aalisarnerinngisaat, aamma ilanngussaq 2, sinerissamut qanittumi aalisarneq, pisassiissutit tamarmiusut aalajangersarneqassapput, ilanngussami ammukaartoq 1-im i. Ukiup ingerlanerani allannguisoqartarsinnaavoq, takuuk aalisarneq pillugu Inatsisartut inatsisaanni § 10.**
- § 9. Aalisakkanit ilanngussaq 1-im i taaneqartunit kalaallit angallataat, aalisarneq pillugu Inatsisartut inatsisaanni § 6 naapertorlugu, ilanngussami 1-im i ammukaartumi 2-mi allassimasunit pisassanit**

annertunerusunik aalisaqqusaanngillat.

§ 10. Aalisakkanit ilangussaq 2-mi taaneqartunit kalaallit angallataat, aalisarneq pillugu Inatsisartut inatsisaanni § 6 naapertorlugu, ilangussami 2-mi ammukaartumik 1-imu allassimasunit pisassanit annertunerusunik aalisaqqusaanngillat.

§ 11. Angallatit nunani EU-mut ilaasortaasuni nalunaarsorneqarsimasut taamaallaat katillugit pisassiissutit ilangussami 1-imu ammukaartumi 3-mi allassimasut aalisarsinnaavaat.

§ 12. Angallatit Savalimmiuni nalunaarsorneqarsimasut taamaallaat katillugit pisassiissutit ilangussami 1-imu ammukaartumi 4-mi allassimasut aalisarsinnaavaat.

§ 13. Angallatit Islandimi nalunaarsorneqarsimasut taamaallaat katillugit pisassiissutit ilangussami 1-imu ammukaartumi 6-imu allassimasut aalisarsinnaavaat.

§ 14. Angallatit Norgemi nalunaarsorneqarsimasut taamaallaat katillugit pisassiissutit ilangussami 1-imu ammukaartumi 6-imu allassimasut aalisarsinnaavaat.

§ 15. Angallatit Ruslandimi nalunaarsorneqarsimasut taamaallaat katillugit pisassiissutit ilangussami 1-imu ammukaartumi 7-imu allassimasut aalisarsinnaavaat.

§ 16. Naalakkersuisut pisassiissutinik tamarmiusunik, ilangussani 1-imu 2-milu taaneqartunit ammukaartoq 1-imu, allanngortitsissagaluarpata imaluunniit pisassiissutit tamarmiusut, ilangussaq 1-imu taaneqartunit ammukaartut 2 - 7, agguataarneqarsimanerannik allanngortitsissagaluarpata, nunanik tamalaanik isumaqtigiqissuteqarnerit kingunerannik tamatuma kingunerissavaa, nalunaarummik nutaamik saqqummersitsinissaq.

§ 17. Angallatinut §§-ini 9-miit 15-imut taaneqartunut akuersissutinut amerlassutsit atuuffissallu, Aalisarnermut Naalakkersuisup tunniussai pisassiissutit amerlassusiinut naapertuutissapput, tunniussinerlu angallatit taaneqartut aalisarsinnaassusiat eqqarsaatigalugu pissaaq, aalisarsinnaanermut akuersissuteqartarneq pillugu Namminersornerullutik Oqartussat nalunaarutaat naapertorlugu.

Aalisarnermik unitsitsineq

§ 18. Aalisarnermut Naalakkersuisup, pisassiissutit ilangussani 1-imu 2-milu taaneqartut pisarineqarpata aalisakanik pineqartunik aalisarneq angallatinit ataatsimoortunit tamanit §§-ini 9-miit 15-imut taaneqartunit ingerlanneqartoq unitsissavaa. Nunanut ataasiakkaanut pisassiissutit tamarmik immikkut naatsorsorneqartassapput. Matumunnga atatillugu EU nunatut ataatsitut isigineqarpoq.

Imm. 2. Kalaallit angallataataannut pisassiissutinik ataatsimoorussanik aalisartunut, aalisarnerup unitsinneqarnissaanut piffissaliussaq radiukkut tusagassiorfitsigullu nalunaarutigineqassaaq.

Imm. 3. §§ 9-15 naapertorlugit angallatinut tamanut unitsinissamik piffissaliussaq telexikkut imaluunniit telefaxikkut angallammut pineqartumut nalunaarutigineqassaaq. Angallatinut EU-mi angerlarsimaffeqartunut taamatut nalunaarut taamatuttaaq EU-Kommissionimut nassiuunneqassaaq.

Kalaallit angallatiginngisaannut allanut taamatut nalunaarut nunap pineqartup aalisarnikkut oqartussaasuinut aamma nassiuunneqassaaq.

Imm. 4. Angallatit aalisarunnaassapput piffissami Aalisarnermut Naalakkersuisup aalajangigaani.

Pineqaatissiissutit

§ 19. Kalaallit Nunaata eqqaani aalisarnermut malittarisassanik imaluunniit aalisarsinnaanermut akuersissummit piumasaqaatinit unioqqutsitsinerup kingunerisinhaavaa taassuminnga iluaqtiginniniarsinnaanerup annikillisinneqarnera, kiisalu pisuni sakkortunerusuni imaluunniit

uteqqiattumik pisoqaqattaartortoqartillugu piginnaatitaaffik arsaarinnissutigineqarsinnaavoq. Tamanna pillugu Naalakkersuisunit aalajangiisoqartassaaq, nalunaarutiginnittoqarneraniillu ullut 15-it qaangiutsinnagit Kalaallit Nunaanni Eqqartuussivimmut suliassanngortitsisoqarsinnaalluni, takuuk Aalisarneq pillugu Inatsisartut Inatsisaanni § 21, imm. 4.

§ 20. §§-ini 9-miit 15-imut aamma § 17 imm. 4-mi unioqqutitsinerit akiliisitsinermik kinguneqarsinnaapput.

Imm. 2. Aktiaateqarluni ingerlatseqatigiiffik, piginneqataassuteqarluni ingerlatseqatigiiffik, piginneqatigiiffik imaluunniit piginneqatigiilluni umiarsuaatileqatigiiffik unioqqutitsippat ingerlatseqatigiiffik taannaatillugu akiliisitassatut akisussaasunngortinnejarsinnaavoq.

Imm. 3. Pinerluttulerinermi inatsimmi arsaarinnittarneq pillugu malittarisassat taamatuttaaq atorneqarsinnaapput.

Imm. 4. Pineqaatissiinissamik suliat allattaaq aalisarneq pillugu Inatsisartut inatsisaanni §§ 33 - 38 malillugit sularineqartassapput.

Atuutilerfia

§ 21. Nalunaarut 1. marts 2009-imi atuutilerpoq. Peqatigitillugu 2007-mi aalisarnermi pisassiissutit pillugit Namminersornerullutik Oqartussat nalunaarutaat nr. 19, 6. november 2007-meersoq atorunnaarsinneqarpoq.

Namminersornerullutik Oqartussat, ulloq 4. februar 2009

Finn Karlsen

/

Amalie Jessen

Ilanngussaq 1-2

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat
Naalakkersuisut